



雅
誦
坤

特別
~ 16
2311
2



2332
10
2311
2

雅誦卷之五

五言古詩

同林擇之范伯崇

名念德如圭之子
先生友婿

歸自湖

南袁州道中多奇峯秀木怪石清泉請人

賦一篇

我行宜春

袁州屬縣

野四顧多奇山攢巒不可數峭

絕誰能攀上有青葱木下有清泠灣更憐灣頭

石一一神所刻衆目共遺棄千秋保堅頑我獨

抱孤賞喟然起長嘆

賦水仙花

雅誦

五言古詩



隆冬凋百卉江梅厲孤芳如何蓬艾底亦有春
 風香紛敷翠羽帔溢靚白玉相黃冠表獨立冰
 然水仙糝弱植愧蘭蓀高操摧冰霰湘君謝遺
 襟漢水羞捐璫嗟彼世俗人欲火焚衷腸徒知
 慕佳冶詐識懷貞剛淒涼柏舟誓惻愴終風章
 卓哉有遺烈千載不可忘

題周氏溪園

三首選一。南軒有周
 功又溪園詩此即其人

雪亭

危亭竹栢間悄舊日幽絕朔風一以厲愛此技
 上雪仰悲玄景駛俯歎羣芳歇不用此時來那

知歲寒節

次彭應之餐雪韻

雪水淪清茗自謂絕世清終然犯烟火况復勞
 煎烹豈如午霽餘探此竹外楹柘漿菰甘和寶
 盃凝寒晶心曾既清涼齒頰亦銷鳴吞腥期永
 謝飲玉希長生

遊密菴

在崇安縣先
 生有遊記

弱齡慕丘壑茲山屢遊盤朝躋青冥外暮陟浮
 雲端晴嵐染襟裾水石清肺肝俯仰未云已歲
 月如飛翰中年塵務牽引脰空長歎曠歲一登

歷心期殊未闌矧此親友集笑談有餘歡結架
迫寧碕徙倚臨奔湍共惜前古祕今為後來觀
落景麗雲木回風馥秋蘭林昏景益佳悵然撫
歸鞍諒哉故山好莫遣茲盟寒

題吳公濟風泉亭

澗谷居永久高情未云酬茲為我天祕始造寒
巖幽上有茂樹陰下有清泉流結亭倚蒼峭鑿
磴窮嵌丘翠壁自屏立青蘚亦環周竭來憇永
夏凜若臨清秋仰空韻笙竽俯檻鏘琳瑯幽聽
一以會悠然與神謀遐哉超世心暇日聊娛憂

笑問車馬客誰能淹此留

雲谷雜詩十二首

登山

夕陽翳東峯微月下西嶺不辭青鞋穿涉此巖
路永巖路永且躋中情何耿耿

翫月

風起雲氣昏風定天宇肅遙遙萬里暉炯炯穿
我屋良友共徘徊山中詎幽獨

謝客

野人載酒來農談日西夕此意良已勤感歎情

何極歸去莫頻來林深山路黑

還家

出去柴門掩歸來蕙草秋素萼林下吐清芬衣

上浮欲寄山中友日莫悵離憂原註萼音

秋日同廖子晦名德劉淳叟名堯夫一方

伯休名士齋一劉彥集登天湖山名在下

飲泉石軒以山水含清暉分韻賦詩得清

字

閒居寡儔侶掩關抱孤清良友倏來止曠然舒
我情矧此涼秋初暑退裳衣輕相與一携手東

山眇遐征前穿林嶺幽俯瞰川原平降集崖寺
古裴回濁醪傾長吟伐木篇潛鱗亦相驚願結
沮溺耦窮年此巖耕

淳熙戊戌七月二十九日與子晦純叟伯

休同菽屏山西登雲谷越夕乃至雨季通

蔡元定字德功江縣人亦自山北來會賦詩

紀事以雲卧衣裳冷分韻賦詩得冷字

端筴得幽貞考槃寄茲嶺未成長往計抱恨中

耿耿秋風吹庭樹暹夜枕席冷感彼歲序移慨

此心事永明晨叢孤興趣駕向絕境躋攀力雖

倦想象意逾騁雲山一以眺俯仰疑倒景檢校
石田收眷戀茅屋靜淹留復未遂外物愧張邴
杜詩外物慕張邴
註張仲蔚邴曼容珍重同來人妙語各清整擊
節三嘆餘超然得深省

暇日侍法曹叔父陪諸名勝為落星之游

落星寺在南康軍城南湖中分韻得往字率爾賦呈聊

裝一笑

長江西委輸匯澤東滉漾中川屹孤嶼佛屋寄
幽賞我來此何日秋氣欲蕭爽共載得高儔良
夜豈孤往酒酣清獻發浪湧初月上疊鼓喚歸

艮陳迹真俯仰

尋白鹿洞故址愛其幽邃議復興建感歎
有作

清冷寒澗水窈窕青山阿昔賢有幽尚眷言此
婆娑事往今幾時高軒絕來過學館空廢址鳴
絃息遺歌我來勸相餘杖策蹇綠蘿謀野欣有
獲披圖知匪訛永懷當年盛莘莘衿佩多博約
感明恩涵濡熙泰和凄涼忽荒榛俯仰驚頽波
發教逮綱紀喟然心靡宅伐木循陰岡結屋依
陽坡一朝謝塵濁歸我碩人邁原註時已疏上
尚書乞洞主矣

秘閣張文

名棟字彥輔

簡寂之篇

簡寂觀在廬山歸宗寺東

劉宋時陸脩靜居此卒謚簡寂因以名

韻高難繼別賦五字

以謝來貺

勞農會稽宅息駕丹元鄉丹元不可見翠壁空
 雲房是時中春月暄風發新陽白水注幽壑綠
 樹敷崇岡俯聽足怡悅仰觀共徜徉班坐得瑤
 草傾壺出瓊漿長吟游仙詩亂以招隱章忽忽
 林景西躊躇申慨慷坐上江海客元傲鬚眉蒼
 逸氣邁霄漢英詞吐琳琅思與泉石勝韻隨笙
 鶴翔追游不敢及咏歎可能忘

原註俗傳歸宗是王右軍故宅

陸脩靜封丹元真人

夜坐有感

秋堂天氣清坐久寒露滴幽獨不自憐
 茲心竟誰識讀書久已懶理郡更無術
 獨有憂世心寒燈共蕭瑟

奉同尤延之

名袁號

提舉廬山雜詠十四

篇選六

白鹿洞書院

昔人讀書地町疇白鹿場世道有升降
 茲焉更表章矧今中興年治具一以張
 絃歌獨不嗣山

水無輝光荒榛適翦除聖謨已汪洋亦有皇華
使肯來登此堂問俗良懇惻懷賢增慨慷雅歌
有餘韻絕學何能忘

萬杉寺

原註在卧龍西十里

休沐聊命駕駕言何所之行尋慶雲寺

寺本唐之慶雲

院想像昭陵

仁宗陵號

時門前杉徑深屋後杉色奇

空山歲年晚鬱鬱凌寒姿當年雨露息千載有

餘滋匠石不敢睨孤標儼相持

原註寺前後杉萬本皆天聖中

植有旨禁翦伐者

更啓石室藏仰瞻天像垂願以清淨

化永為太平基

原註寺藏仁祖御飛白書有清淨字

陶公醉石歸去來館

原註在歸宗西五里

予生千載後尚友千載前每尋高士傳獨嘆淵
明賢及此逢醉石謂言公所眠况復巖壑古縹
緲截風烟仰看喬木陰俯聽橫飛泉景物自清
絕優游可忘年結廬倚蒼峭舉觴酌潺湲臨風
一長歎亂以歸來篇

温湯

原註在醉石南二里

連山西南來中斷還崛起干霄幾千仞據地三
百里飛峯上靈秀衆壑下清美逮茲勢力窮猶
能出奇偉誰燃丹黃燄爨此玉池水客來爭解

帶萬劫付一洗當年謝康樂絃絕今已矣水碧復流温相思五湖裏

原註康樂湖中詩云水碧
輟流温豈未見此水也耶

康王谷水簾

至
下

原註谷口景德觀在温湯
西十五里入谷又十五里

循山西北驚崎嶇幾經丘前行荒蹊斷豁見清
溪流一涉臺殿古再涉川原幽縈紆復屢渡乃
得寒巖陬飛泉天上來一落散不收披崖日璀
璨寶壑風颼颼追薪爨絕品淪茗澆窮愁敬酌
古陸子何年復來游

原註陸鴻漸茶經第
此水為天下第一

落星寺

浩浩長江水東逝無停波及此一回薄湖平烟
浪多孤嶼屹中川層臺起周阿長望愛明滅夕
遊驚蕩磨極目青冥茫回瞻碧嵯峩不復車馬
迹唯聞榜人歌我願辭世紛茲焉老漁叢會有
滄浪子鳴舷夜相過

和林擇之黃雲之句蕪簡同游諸兄

登覽日云晏歸車眇重岡天風振余旗夕露沾
我裳數子情未厭春山杳茫茫還瞻長江白迥
眺飛雲黃當念塵中友心期邈相望無為跨鴻
鵠決起凌青蒼

山北紀行十二章章八句

祇役廬山陽矯首廬山陰雲峯不可覲碧澗何

由尋昨朝鮮印章結友同窺臨盡彼巖壑勝滿

茲仁知心原註予以閏月二十七日罷郡是夕

九日登黃雲觀度三峽窺王淵憇西澗飲西原

宿卧龍四月一日過開先宿歸宗二日浴湯泉

入康王谷觀水簾宿景德觀三日與清江劉清

之子登永嘉張揚卿清叟潯陽王阮南卿周順

龜父長樂林用中擇之洛陽趙希漢南紀會稽

陳祖永慶長武當祁真卿師忠溫陵吳蕪善仲

達廬陵許士春景陽新安胡莘尹仲建安王朝

春卿長樂余隅占之陳士直彥忠黃幹季直臨

淮張彥先致遠會稽

僧志南明老俱行

窺臨事若何請從圓通說逶迤山門路悄舊脩

篁列溪仍俠家名屋是孱王設何救黍離歌喟

焉傷覆轍原註圓通寺地名俠溪本俠氏所居

木深茂可觀耳

行逢石門雨解驂寒澗東朝隣錦繡谷俯仰春

冥濛懸泉忽淙琤雜樹紛青紅屢憇小亭古幽

探思無窮原註石門澗正在天池山下有小菴

山道錦繡谷再過小橋橋皆

有亭下又有亭基二小亭一

竦身長林端策足層崖表仰瞻空界澗俯歎塵

寰小天池西嶽峯佛手東窈窕杖屨往復來憑

軒瞰歸鳥原註盡錦繡谷登山稍高無復林木

產用

五言占詩

九

有石池泉水不竭東過佛手巖石室嵌空中有井泉僧緣崖結架以居下臨錦繡谷又有石榻名遠公

斯須暮雲合白日無餘暉金波從地湧寶燄穿林飛僧言自雄誇俗駭無因依安知本地靈發

見隨天撥原註天池院西數步有小佛閣下臨絕壑是游人請燈處僧云燈非禱不見是日不禱而光景明滅頃刻異狀諸生或疑其妄予謂僧言則妄而此光不可誣豈地氣之

然耶

深尋兩林間清波貫華屋蓮社有遺蹤草堂非

舊築脩廊餘故刻好醜雜珉玉亦復記經行深

慙後人讀原註五日下山至東西林兩寺相去不百步一溪清駛橫貫其間皆自方

丈前廊廡下過他處所無有也白蓮池在東村法堂前白公草堂基在寺東久廢近歲復荆數

題制殊挾隨然亦非其正處矣是日名屬寺僧刻於咸通莊田記石

行軒復東驚祠城當晚遊胡然冠蓋集不盡心

期幽夜厭百谷喧朝失千峯稠出門有遺恨回

首空綢繆原註晚至太平興國宮唐九天使者祠也江州教授翁名卿載酒肴與鄉

人游應和歐景文及其諸生二十餘人皆至

山水誠乃奇云誰究終始曇遠亦何人神君豈

其鬼東西安采獲誣謔共恢詭百世踵謬訛彞

倫日頽圯原註東林慧遠取孔老之言以附佛學嘗著沙門不敬王者論唐明皇

自言親見使者降於殿庭因立此宮而羣臣造為妖妄以迎合者甚衆本朝仍賜宮額神踰置

提舉官云

以茲遊覽富翻令懷抱傷誰哉可告語舉俗昏且狂乾坤有真心日月垂休光茫茫宇宙內此柄孰主張

北度石塘橋西訪瀟溪宅喬木無遺株虛堂唯四壁竦瞻德容睟冕薦寒流碧幸矣有斯人渾淪再開闢

平生勞仰止今日登此堂願以圖象意質之中凡傍先生寂無言賤子涕泗滂神聽儻不遺惠我思無疆

原註六日并濂溪先生書堂遺像子澄請為諸士說太極圖義先生之曾

孫正卿彥卿玄孫濤為設食于光風霽月之亭

明晨江磯寺尊酒聊對設孰是十日遊遽成千里別英僚樹嘉政素友厲孤節努力莫相忘清

宵共明月

原註七日薛洪持志王仲傑之才携

子澄許張歸廬陵南鄉龜父還家擇之之湖南予與王余陳黃東渡湖口而歸

酬黃子厚見訪歸途惠詩韻

櫪驥倦千里籠鶴思九臯念昔田舍日不知山林高一朝逢世紛故丘得潛逃平生棲遁志茲焉始堅牢故人穀城翁高情北窓陶亦復喜我歸巾車欵林巢申朝更離濶中情重怱怱

游石馬亭以駕言出遊分韻賦詩得出字
抱病守窮廬閉戶常罕出坐見春氣深清陰晝
蒙密今朝積雨過淑景回煦律不有塵外蹤何
由散愁寂行行整巾屨散漫委書帙野逕自縈
紆前峯但嶮翠婆娑茂樹下左右寒流汨亂石
翳蒼根於焉憇腰膝追遊固才彥逢遇亦奇逸
招邀愧深情晤言永茲日君有尊中物我進沂
上瑟日夕不得留餘歡未云畢

行視武夷精舍作

神山九折溪泂泂此中半水深波浪濶浮綠春

渙渙

原註武夷溪凡九曲多急流亂石此

上有

蒼石屏百仞聳雄觀巖露垠堦突兀倚霄漢

指大隱屏淺麓下縈迴深林入叢灌胡然閱千載逮

此開一朝原註峯下小山重復中有平地數十

無人跡乾道己丑予舟過而樂我乘新村船輟

棹青草岸榛莽喜誅鋤面勢窮考按居然一環

堵妙處豈輪奐左右矗奇峯躊躇極佳玩原註

始時予以病不能來至是送別山西始自新村

買舟以來視所縛屋二間制度殊草然背負

大隱屏面直溪南大山左有魏王上是時芳節

昇峯右有鍾模三教等石極為雄勝闌紅綠紛有爛好鳥時一鳴王孫遠相喚原註

暫遊意已愜獨往身猶絆珍重舍瑟人重來

宿石邑館 石邑山在侯官縣

春江日東注我行遡其波揚帆指西澨兩岸青山多青山自逶迤飛石空嗟我綠樹生其間幽鳥鳴相和寒蓬騁遐眺擊楫成幽歌獨語無與晤茲懷竟如何

停驂石邑館解纜清江濱中流擢歌發天風水生鱗名都固多才我來友其仁茲焉同舟濟詎止胡越親舞雩諒非遠春服亦已新相期豈今

夕歲晚無緇磷

題沈公雅 名度嘗知建寧府助社卜居圖

往者仲長子高情世無儔一朝謝塵躅卜築娛清幽茆屋八九間下有良田疇後簷果垂實前庭樹相膠勝日賓友來琴觴共舒憂言論覈幽妙理亂窮端由至今一卷書凜然照千秋沈侯經濟業夙尚本林丘談笑出幻境寤言躡斯遊仰睇白石岡俯濯青瑤流曠然宇宙外邈矣將焉求

七言古詩

和李伯玉名用東坡韻賦梅花

北風日日霾江邨歸夢正爾勞營魂忽聞梅藥
臘前破楚客不愛蘭佩昏尋幽舊識此堂古曳
杖偶集僧家園嵐陰春物未全到邂逅只有南
枝温冷光自照眼色界雪艷未怯扶桑暎遙知
雲臺溪上路玉樹十里藏山門自憐塵羈不得
去坐想佳處知難言但哦君詩慰岑寂已似共
倒花前尊

與諸人用東坡韻共賦梅花適得元履魏

之字一名按書有懷其人因復賦此以寄之字子實

意馬

羅浮山下黃茅邨蘇仙仙去餘詩魂梅花自入
三疊曲至今不受蠻烟昏佳名一朝異凡木絕
艷千古高名困却憐冰質不自暖雖有步障難
為温着同桃李媚春色敢與葵藿爭朝曦歸來
只有脩竹伴寂歷自掩疎籬門亦知真意還有
在未覺浩氣終難言一杯勸汝吾不淺要汝共
保山林尊

壽母生朝

秋風蕭爽天氣涼此日何日升斯堂堂中老人

壽而康紅顏綠鬢雙瞳方家貧兒癡但深藏五
 年不出門庭荒竈陘十日九不煬豈辨甘脆陳
 壺觴低頭包羞汗如漿老人此心久已忘一笑
 謂汝庸何傷人間榮耀豈可常惟有道義思無
 疆勉勵汝節彌堅剛熹前拜謝阿娘自古作
 善天降祥但願年年似今日老萊母子俱徜徉
 丁丑冬在溫陵泉州地少寒陪敦宗李丈
李伯玉主與一二道人同和東坡惠州梅
管敦宗院花詩皆一再往及昨日見梅追省前事忽
 忽五年舊詩不復可記憶再和一篇呈諸

友兄一笑同賦

江梅欲破江南村無人解與招芳魂朔雲為斷
 蜂蝶信凍雨一洗烟塵昏天憐絕艷世無匹故
 遣寂寞依山園自欣羌笛娛夜永未要鄒律回
 春溫連娟窺水墮殘月的礫江露晞晨瞰海山
 清游記玉面衰病此日空柴門相逢不敢話疇
 昔能賦豈必皆成言雕鑄肝腎竟何益况復制
 酒我空尊

復用前韻敬別機仲

先生與機仲有期會
武夷之詩此即其韻

君家道素幾葉傳只今用舍懸諸天屹然砥柱

戰河曲肯似落葉隨風旋奮鬚忽作蝟毛磔浩
 氣勃若霄中烟隱憂尚喜遺直在壯烈未許前
 人專武夷連日聽竒語令我兩腋風冷然初如
 茫茫出太極稍似舟舟隨羣仙安能局促夜起
 舞下與祖逖爭雄鞭終憐賢屈惜往日亦念聖
 孔悲徂川願君盡此一杯酒預澆舌本如懸泉
 沃心澤物吾有望勒移忍繼鍾山篇

次劉圭甫

名瑞共父之弟和人梅花韻

意行欲遍江村路恰到詩人斷魂處梅花未肯
 笑春風蔓草何須怨零露歸來四壁無餘聲俯

檻祗有寒塘青羨入邂逅一笑粲倒影的皜疎
 枝橫寸心久矣遺紛雜不但老禪齋夏臘此時
 恨恨欲何言本根落落幾難合走遍諸君詩卷
 中西湖東閣病還同劃然長嘯驚夢破碧雲散

盡山叢叢

原註平父有攀條嚼藥纒千回日暮碧雲驚四合之句故云

五禽言和王仲衡

名希尚書

提胡蘆名鳥沽美酒春風浩蕩吹花柳不用沙頭
 雙玉瓶鳥歌蝶舞為君壽祗今一醉是君恩昨
 日之愁愁殺人

不如歸去

杜鵑孤城越絕三春暮故山只在白雲

間望極雲深不知處不如歸去不如歸千仞岡
頭一振衣

泥滑滑

竹鷄

泥滑滑秦望雲荒鏡湖濶綠秧刺水

水拍堤牙旗盡舸凌風發使君行樂三江頭泥

滑水深君莫憂

脫袴

布

脫袴桑葉陰陰墻下路回頭忽憶舍中

妻去年已逐它人去舊袴脫了却不辭新袴知

教阿誰做

麥熟

蘇軾詩註此鳥聲

吟去年種麥有德音時

勸農

抵今種熟誰快活種者已卧官墻陰仁公

有政惠存歿肯使催租更隳突

讀十二辰詩卷掇其餘作此聊奉一笑

夜聞空輦齧鼠曉駕羸牛耕廢圃時才虎圈

聽豪夸舊業兔園嗟莽鹵君看螫龍卧三冬頭

角不與蛇爭雄毀車殺馬罷馳逐烹羊酤酒聊

從容手種猴桃垂架綠養得鷓鴣鳴角角客來

犬吠催煮茶不用東家買猪肉

題霜傑集

董穎字仲達取陶詩卓為霜下傑之句蒲霜傑汪彥章序其集

先生人物魏晉間題詩便欲傾天慳向來無地

識眉宇今日天遣窺波瀾平生尚友陶彭澤未

牙言

卷五

肯輕為折腰客
曾中合處不作難
霜下風姿自
竒特小儒闕
金匱書不滯
周南滯海隅
枌榆
連陰一見晚
何當挽袖凌
空虛

雅誦卷之五

雅誦卷之六

五言律詩

南安泉州屬縣道中

曉澗淙流急
秋山寒氣深
高蟬多遠韻
茂樹有餘陰
烟火居民少
荒蹊草露侵
悠悠秋稼晚
寥落歲寒心

苧溪在同安縣道中

秋山有紅樹
忽憶野田中
禾黍收將盡
氛埃晚欲空
登原悲落景
倚杖怯高風
更有寒塘水
應將此處同

雅誦

卷之五 五言律詩

濯足萬里流

褰裳綠碧澗濯足憇清幽卻拂千巖石聊乘萬里流氛埃隨脫屣步武欲橫秋極目滄江晚烟波殊未休

知郡傅丈載酒僕被過煮於九日山夜泛

小舟弄月劇飲

扁舟轉空闊烟水浩將平月色中流滿秋聲兩岸生杯深同醉極嘯罷獨魂驚歸去空山黑西南河漢傾

同寮小集梵天寺

在同安縣六輪山

坐間雨作已

復開霽步至東橋玩月賦詩

空山看雨罷微步喜新涼月出澄餘景川明發素光星河方耿耿雲樹轉蒼蒼晤語逢清夜茲懷殊未央

梵天觀雨

持身乏古節寸祿久棲遲暫寄靈山寺空吟招隱詩讀書清磬外看雨暮鐘時漸喜涼秋近滄洲去有期

送芮國器

名燁

拄節千山外勤勞飽所經一心無適莫萬口自

丹青拂拭先賢傳光輝處士星活人功更遠試
與問林垞

梅花開盡不及吟賞感歎成詩仰貽同好
憶昔身無事尋梅只怕遲沈吟窺老樹取次折
橫枝絕艷驚衰鬢餘芳入小詩今年何草草政
爾負幽期
棊几冰壺在梅梢雪蘂空不堪三弄咽誰與一
樽同鼻觀殘香裏心期昨夢中那知北枝北猶
有未開叢

挽范直閣

名如圭字伯達官直閣

獻納陪興運如公衆所期憂時最深切信道不
磷緇落落歸來賦忽忽殄瘁詩菟裘當日計宰
木後人悲

先友多名士存亡幾許人惟公且彊健於我更
情親出處論心晚音書枉誨頻素車今日會誰
與共傷神

感事

聞說淮南路胡塵滿眼黃棄軀慚國士嘗膽念
君王却敵非干櫓信威藉紀綱丹心危欲折竚
立但彷徨

雜言

卷六 五言律詩

三

感事再用回向寺名壁間舊韻

江北傳烽火胡兒大入邊已聞墮列障不但擾
屯田借箸思人傑摧鋒屬少季偷安慙暇食萬
竈起愁烟

挽籍溪胡先生

夫子生名世窮居幾歲年聖門雖力造美質自
天全樂道初辭幣憂時晚奏篇行藏今已矣心
迹故超然

澹泊忘懷久渾淪玩意深草瓢無改樂山水自
知音冊府遺編在原註公所定著論在批閣丘原宰樹

陰門人封馬鬣寒日共沾襟

次韻潮州詩六首

閒坐

坐歎無餘事淡然塵慮希閒中有怡悅妙處絕
幾微韓子成今古顛師果是非悠然發孤些千
載儻來歸

即事有懷寄彥輔仲宗二兄

閒說雙飛槩翩然下廣津江湖知子樂魚鳥諒
情親淹速須關命行藏不繫人三山雖好在惜
取自由身

次知府府判二文韻

兩公清廟瑟窈窕拂朱絲事紀一朝勝名從千古垂流傳當共賦惆悵不同時且要君願解寧辭匡說詩

憶昨中秋夕寒盟約重尋慢亭權舉酒江閣快

論心月墮俱忘起壘空始罷斟祇今千嶺隔悵

望一何深原註武夷之遊張王二丈元履子厚及熹與馮江閣之集子衡移具知府

丈亦賜臨屈此詩併簡同會諸公云

志士懷韜略奇兵吼鏖干關河那得往肝膽不勝寒壯節悲如許雄圖渺未闡皇輿方互席陋

巷敢求安

原註得浙中知舊喜云聖上留意武備諸郡練卒皆點名閱武賜資有加

戎士感奮

題祝生畫呈裴文

近代丹青手心期良獨難夫君偏有思妙處却無端堂上三湘遠人間五月寒空囊惟有此不用一錢看

挽延平李先生

名侗字愿中劍浦縣人先生之師

河洛傳心後毫釐復易差淫辭方眩俗夫子獨名家本本初無二存存自不邪誰知經濟業零落舊烟霞

聞道無餘事窮居不計年
簞瓢渾謾興風月自悠然
灑落瀛溪句從容洛社篇
平生行樂地今日但新阡

短句奉迎荆南幕府

南軒時為江陵知府

軍府資長算家山輟勝遊
故人千里別歸騎兩年秋
吊古寧忘恨開尊且破愁
相思欲回首但

上曲江樓

原註張敬夫作此樓熹為之記

次敬夫登定王臺韻

臺在長沙縣漢長沙定王裁所築

今朝風日好抱病起登臺
山色愁無盡江波去不回
客懷元老草節物又踈梅
且莫催歸騎憑

欄更一杯

登祝融峯用擇之韻

今年緣底事浪走太無端
直以心期遠非貪眼界寬
雲山於此盡風袂不勝寒
孤鳥知人意茫茫去不還

十六日下山各賦一篇仍迭和韻

絕頂來還晚寒窓睡達明
連牀眇歸思三宿悵餘情
雲合山無路風回雪有聲
嶽祗珍重意只此是將迎

十一月二十六日宿萍鄉

素州屬縣

西三十餘

里黃花渡口客舍稍明潔有宋亨伯題詩亦頗不俗因錄而和之

鼎足爐邊坐陶然共一樽道心元自勝世味不須論安穩三更睡清門一氣存雖無康樂句聊爾慰營魂

舟中晚賦

長風一萬里披豁暮雲空極浦三年夢扁舟二子同離離浮遠樹杳杳沒孤鴻若問明朝事西山晻靄中

舟中見新月伯崇撰之二友皆已醉卧以

此戲之

舟中見新月烟浪不勝寒與問醉眠客豈知行路難殘陽猶水面孤鴻更雲端蓬底今宵意天邊芳歲闌

觀西山

在南昌府

懷嶽麓

在善化縣即衡山

以為莫能

相上下也聊賦此云

風月平生意江湖自在身年華供轉徙眼界得清新試問西山雨何如湘水春悠然一長嘯妙絕兩無倫

再用前韻

先生有觀日出霧中詩此即其韻

久陰冬竟暖欲霽氣先清田舍占烟火軍家候
鼓鉦風霜千里肅天地一朝晴明日知何日陽
春又發生

章巖

在鉛山縣章山

豁爾天開宇呀然夜不扃閒雲任棲宿密雨斷
飄零破屋僧常住高軒客屢經古今題寫處一
半蘇文青

次韻擇之章巖

驅馬倦長道投鞭憇此巖來應六鼇戴跡是五
丁剡泉脉流青潤林梢擁碧巉老禪深閉戶客

子且征衫

有懷南軒老兄呈伯崇擇之二友

憶昔秋風裏尋盟湘水傍勝遊朝挽袂妙語夜
連林別去多遺恨歸來識大方惟應微密處猶
欲細商量

擇之誦所賦擬呂子進元宵詩因用元韻

瀛奎律髓呂子晉官舍人有元夕十詩此即其韻

何處元宵好山房入定僧往來衣上月明暗佛
前燈實際徒勞說空華詐可憑還教知此意妙
用一時興

何處元宵好寒龕獨寐人月窓同皎皎燈鏡自
塵塵靜鑑通天地潛思妙鬼神却憐迷路子狂
走鬧城闌

仙洲新亭

仙洲山在崇安縣

熹名以畫寒

取李白詩涇濛

清畫寒之語

紫微張公

名孝祥字安國官權中書舍人

為書其

額判院劉丈

即劉如愚

乃出新句輒次高韻

聞說藤蘿外神龍舊所蟠擘開千丈峽寫盡一襟寒賞寄三杯酒歸投六尺竿若無詩律好清絕不成歡

次判院丈清端

先生亭名韓下各有詩

之什

明滅青羅帶周遭碧玉環孤亭感陳迹茂樹喜重攀爽氣琴尊外泉聲枕簟間詩成無寫處絕壁薜痕斑

公濟惠山蔬四種并以佳篇來貺因次其

韻

四首選一

芥

晚食寧論肉知君薄世榮瓊田何日種玉本一時生白鶴今休誤青泥舊得名收單

杜詩陰益食單涼趙

雲谷合記事目效俳體戲作三詩寄季通

鋪地

坊以單為單之單還炙背北闕儻關情

原註時公齊禮部

九

選一

雲關須早築基址要堅牢栽竹行教密穿池岸
欲高乘春移齒苔帶雪覓蕭摻原註謂更向關
門外疏泉斬亂蒿

挽汪端明

名應辰字聖錫官端明殿學士

聖主興炎運明公起妙年材推漢庭右學自此
方傳出入丹心壯安危素髮鮮空餘題劔在光
燭舊林泉

曠宇元無際孤標自不羣物情良有寄讒口詐
堪聞未許時明政猶堪史闕文衣冠忽長夜餘

子謾紛紛

宿休菴

在雲谷

用德功壁間韻贈陳道人

暮八千峯裏寒樓一草菴室連丹竈煖厨引石
泉甘塵慮紛難到神光暖内含非君有道氣孤
絕詐能堪

挽劉樞密

共父官同知樞密院事

天界經綸業家傳忠義心

共父祖韜死於靖康之難

謀謨經

國遠勲烈到人深廊廟風雲斷江湖歲月侵一
朝成殄瘁九牧共沾襟

談笑平蠻策焦勞振廩功復讎乖宿志忍死罄

雅言 卷六
餘忠人歎百身贖天悲一鑑空九原終莫起千載自英風

和張彥輔白鹿洞之作

邃谷新華館風烟再吐吞舊眠聞野鹿遺恨響
驚猿原註李拾遺自此徙居少室乃彼微故有此句共賞忻同趣分攜
愴別魂徘徊空日夕無策駐行軒

贈于盛二生

昔日豐城劍寒光射斗牛江山餘秀傑人物尚
風流二妙今安匹孤帆各倦游還家問師友折
節慕前修

挽吳給事

名芾字明可

粵自辭神武超然絕世紛前身疏太傅今日范
忠文指范蜀公鎮圃樹寒留月湖波冷浸雲懸知千
載下此地想遺芬

放船

浩蕩清江水依微綠樹風解維春雨外弭櫂夕
陽中汀草生新徑巖花點舊叢詩翁不愁思逸
興莽何窮

別陳講師

幾年勞夢想今日慰登臨况入芝蘭室又聞金

雅誦 卷六
玉音與君連夜語盡我一生心此外成華髮無
因得重尋

雅誦卷之六

雅誦卷之七

七言律詩

夢山中故人

風雨蕭蕭已送愁不堪懷抱更離憂故人只在
千巖裏桂樹無端一夜秋把袖追歡勞夢寐舉
杯相屬暫綢繆覺來卻是天涯客簷響潺潺瀉
未休

九日

故國音書阻一方天涯此日思茫茫風烟歲晚
添離恨湖海尊前即大荒薄宦驅人向愁悴舊

牙言 卷十
遊唯我最顛狂細思萬石亭前事辜負黃花滿帽香

伏讀趙清獻公

趙抃字閱道嘗宰崇安縣

瑞巖留題感

歎之餘追次元韻

趙公名迹此猶微已薦行藏第一機直自當季留翰墨至今窮谷尚光輝時清諫疏空遺橐歲晚高齋自掩扉原註高齋公晚年所居每夕獨處一室使人為其外云珍重九原如可作問渠何處是真歸

壽母生朝

昨夜秋風涼氣歸今朝喜色動簾幃細斟潏灑

新春酒戲舞斑斕舊綠衣願上龜蓮千歲壽永令鳧藻一家肥也知厚德天應報更說陰功世所希

暑退秋容欲凜然北堂佳氣倍澄鮮舊病已向新涼失壽骨應隨爽籟堅塵外光陰那有盡尊前風月浩無邊癡兒六六時先生年三十六今如許慚

媿西河不老仙

太平廣記漢西河女子年二百三十歲子年百七十一

二

仙人昔住紫琳房

茅真君傳今賜紫琳之腴可以壽同三光

一朝翮

然下大荒久悟客塵無自性圓覺經圓性故應福祿未渠央徒居邂逅成嘉遇捧檄因循愧漫郎

雜言

卷二十七言律詩

二

願借寒潭千丈碧年年此日奉華觴

竹柏交柯庭院清西風不動翠簾旌高堂正喜

新涼入樂事仍逢壽學傾盡室丹衷歸善待滿

頭綠鬢定重生年年此日歡娛意更願時豐樂

太平

卓國大夫人生朝

鳳凰山下鳳凰城十載重來雙眼明賸喜故人

頻獻納足知賢母外榮名生朝舉酒天香裏賤

子當歌魯頌聲問訊豪眉今幾許年年此日照

入清

伏讀秀野劉丈閒居十五詠謹次高韻率

易拜呈伏乞痛加繩削是所願望

選七

秀野

為憐蘅芷滿芳洲特地臨江賦遠游十畝何妨

自春色萬緣從此付東流靜看朝市真兒戲須

信田園是老謀出處知公有餘裕未應辛苦謝

靈丘

春谷

武夷高處是蓬萊采得靈根手自我地僻芳菲

鎮長在谷寒蜂蝶未全來紅裳似欲留人醉錦

障何妨為客開飲罷醒心何處所遠山重疊翠
成堆

舫齋

扁舟容與小房櫳搖颺簾旌蜀錦紅兩岸蒹葭
秋色裏一川烟浪夕陽中不愁灑灑瀕雙蓬鬢未
怯江湖萬里風築室水中聊爾爾何須極浦望
朱宮

藥圃

種藥春畦有近功不辭耘耔謾勞躬漸看杞菊
充庖下即見芝英入籠中病去自知非往日身

軒何必御冷風出門會有兒童笑不是當年植
杖翁

月波臺

潺潺流水注回塘中作平臺受晚涼四面不通
車馬跡一尊聊飲菱荷香韓公無復吟花鳥楚
客何勞賦葑房少待須臾更清絕月華零露洗
佳林

曲池軒

去年種竹長新篁今歲穿渠過野塘自喜軒窓
無俗韻亦知草木有真香林間急雨生秋思水

牙言
卷十
面微風度晚涼卻厭端居苦無事凭欄閒理釣
絲長

前邨梅

玉立寒烟寂寞濱仙姿瀟灑淨無塵千林搖落
今如許一樹橫斜獨可人真與雪霜娛晚景任
從桃李殿殘春綠陰青子明年事衆口驚嗟鼎
味新

次秀野韻

使君簾閣對脩筠起看名園雨後春便賦新詩
留野客更傾芳酒醉花神未酬管樂平生志且

作羲黃向上人祇恐功名相迫逐不容老子卧
漳濱

次秀野滄波館刈麥二詩選一

傳聞泛宅賀新成破月衝烟取次撐鷁首斜飛
寒浪急篷窓側轉好山橫知公興有江湖迴顧
我詩無玉雪清欲跨船舷還未敢幾時得伴鏡
中行

次秀野躬耕桑陌舊園之韻

郊園旱久只多蹊昨夜欣沾雨一犁已辨青鞋
隨老圃便驅黃犢過深溪農談剩喜鄉隣近

雜詩

卷二十七言律詩

五一

牙言 卷十
具仍教婦子携指點竹寒沙碧處不知何似錦
城西

次秀野咏雪韻

一夜同雲匝四山曉來千里共漫漫不應琪樹
猶含凍鬪笑楊花許耐寒乘興正須披鶴氅淪
甘猶喜破龍團無端酒思催吟筆卻恐長鯨吸
海乾

開門驚恠雪交加亂落橫飛詎有涯密竹不妨
呈勁節早梅何處覓殘花山陰客子須乘興洛
下先生想卧家病廢杯觴寒至骨哦詩無復更

豪誇

次韻秀野早梅

可愛紅芳愛素芳多情珍重老劉郎疎英的皪
尊中影微月黃昏句裏香曾次自憐真玉雪人
間何處有冰霜巡簷說盡心期事肯醉佳人錦
瑟傍

次秀野極目亭韻

偶向新亭一破顏高情直寄有無間地偏已隔
東西路天濶長園遠近山浩蕩祗愁春霧合輪
囷卻喜暮雲還不堪景物撩人甚倒盡詩囊未

許慳

次秀野春晴山行紀物之句

祇憑詩律作生涯到處山林總是家便與清尊
卧芳草不妨皂蓋拂殘花側聞温詔詢耆艾好
趁春風入殿衙回首能忘舊猿鶴一篇聊爾記
年華

再用韻題翠壁

孤亭一目盡天涯俯瞰烟村八九家翠壁何年
懸布水綠陰經雨墮危花杖藜徙倚凝春望覓
句淹留到晚衙珍重詩翁莫相惱枯腸攪斷鬢

絲華

次亭字韻詩呈秀野丈兼簡玉宰

幾年寂寞掩柴扃抱膝長吟竹下亭不向參同
論納甲且將耘耔付添丁思玄賦罷驚遙舉止
酒詩成恨獨醒却笑春風兩蓬鬢蕭蕭無復舊
時青

次山行佳句呈秀野文

几杖歸來覓故巖眼中猶記舊烟嵐詩情自昔
元無敵世味而今更不貪默數流年欣望八閭
尋隱訣話存三道家有存想
三丹田之語小生自愧衰頽早

雜編

卷七 七言律詩

七

箇裏憑公為指南

次秀野韻題卧雲菴

君家丘壑本圓成何意尋荒入翠屏為愛晴雲
薦孤枕故將閒日付新亭夢魂寂寂衣裳冷心
事悠悠簡策青更把枯桐寫竒趣鷓鴣絃寒夜獨
泠泠

次韻寄題笑菴館

不須艇子棹歌來且看芙蓉面面開卷裏有詩
都錦綉席間無地可塵埃風清月白琴三弄綠
暗紅深酒一杯明日仲宣樓上去越吟應是首

頻回

次韻雪後書事

惆悵江頭幾樹梅杖藜行遠去還來前時雪壓
無尋處昨夜月明依舊開折寄遙憐人似玉相
思應恨劫成灰沈吟日落寒鴉起卻望柴荆獨
自回

次秀野雜詩韻十五首

刻漏

無疑莫詰君平肆任運休尋季主家謾設銅壺
候尺咫閒參玉表驗分差不妨啓慶知時節那

惟痛

卷二十七言律詩

八

牙言 卷十
更榮枯紀歲華却羨昇平好官府日高三丈放
朝衙

次王宰立春日大雪韻

是身已分老菟裘肯為春回作許愁偶去尋芳
朝信馬却來踏雪夜驅牛鋪筵不見小垂手解題舞有大垂手小垂手聯句空慚高結喉更約桃花紅浪
暖却陪履舄上蘭舟

鵝湖寺

在餘縣和陸子壽名九齡象山之兄

德義風流夙所欽別離三載更關心偶扶藜杖
出寒谷又枉籃輿度遠岑舊學商量加邃密新

知培養轉深沈却愁說到無言處不信人間有
古今

新喻

臨江軍屬縣西境

北嶺蒼茫雨欲來南山騰躑翠成堆
千旗卷野水涵空一鑑開客路情懷元倥偬
最遊眺却徘徊自然觸目成佳句雲錦無勞更
剪裁

不見梅再用來字韻

舊歲將除新歲來梅花長是雪簷堆如何此日
三州路不見寒葩一樹開野水風烟迷慘澹故

牙詩 卷七
園霜月想徘徊夜窓却恐勞幽夢速把新詩取
次裁

九日登天湖以菊花須插滿頭歸分韻賦
詩得歸字

去歲瀟湘重九時滿城寒雨客思歸故山此日
還佳節黃菊清罇更晚暉短髮無多休落帽長
風不斷且吹衣相看下視人寰小祗合從今老
翠微

次知郡章文

名國華

遊山之韻

前峯鸞鶴去無蹤邂逅荒尋得故宮但覺風烟

隨意好便驚塵土轉頭空提壺命駕幽期遠授
簡哦詩妙處同安得西山一九藥共隨簫鼓向
雲中

次圭父遊將軍巖韻

巖在甌寧縣

陳迹真成俯仰間回頭猶認碧巖岿更煩地主
殷勤意得盡雲山表裏觀景晏共愁歸路遠年
侵獨負酒杯寬明朝覓句酬珠玉剩喜詩情却
未闌

次韻題平父兄重建一枝堂

畫戟朱門枕碧山貂蟬元自出儒冠更餘此日

牙言 卷十
林間樂遠繼當年膝下歡命駕賓朋千里近放
懷琴酒百憂寬遺編却好傳孫子莫遣因循學
宴安

抄二南寄平父因題此詩

闕里言詩得賜商千秋誰復與相望鄒汾斷簡
光前載關洛新書襲舊芳析句分章功自小吟
風弄月興何長從容咏嘆無今古此樂從茲樂
未央

白鹿講會次卜丈韻

此

先生星子射亭題名
有南康卜隱君疑即

宮墻蕪沒幾經年祇有寒烟鎖澗泉結屋幸容

追舊觀題名未許續遺編原註請為青雲白石

聊同趣原註謂西澗劉公○劉霽月光風更別

傳原註謂德珍重箇中無限樂諸郎莫苦羨騰

騫

一再用前韻示諸同遊

幽卧寒巖不記年飽看山月聽風泉舒憂正得
琴三疊玩意惟憑易一編誤落塵中乖夙尚却
思洞裏付真傳封章儻幸天從欲便解銅符謝
繫騫

次韻四十叔父白鹿之作

誅茅結屋想前賢千載遺蹤尚宛然故作軒窓
挹蒼翠要將絃誦答潺湲諸郎有志須精學老
子無能但欲眠多少箇中名教樂莫談空諦莫
求仙

奉向都運直閣張文

即彦輔

哭敬夫張兄張

丈有詩敢次元韻悲悼之極情見乎詞伏

幸采覽

不應世道即漂淪何事今年失此人禮樂端能
懷益友琴笙忍遽樂嘉賓亦知遊好曾通譜却

記登臨喚卜隣兩首悲詩數行淚感傷那復闕

清新

原註張丈垂顧適開計音為罷郡宴敬夫
向嘗約烹徙居湖之上蓋相語於裴公臺

云上

讀諸友游山詩卷不容盡和和首尾兩篇
選一

去年尋得李家山考卜真成屋數間要與青衿
時散帙閒臨碧澗共觀瀾詩書本說人間事勳
業休看鏡裏顏誰識寥寥千古意新詩題罷蘚
痕斑

奉酬九日東峯道人溥公見贈之作

幾年回首夢雲關此日重來兩鬢斑點檢梁間
新歲月招呼臺上舊溪山三生漫說終無據萬
法由來本自閒一笑支郎謂支道林又相惱新詩不
落語言間

伏承侍郎使君

趙汝愚字子直以權吏部侍郎帥福建

垂示

既與少傅國公

陳俊卿字應求以少傅致仕封福國公

唱酬

西湖佳句謹次高韻聊發一笑

越王城下水融融此樂從今與眾同滿眼芰荷
方永日轉頭禾黍便西風湖光盡處天空濶潮
信來時海氣通酬唱不誇風物好一心憂國願

年豐

伏讀致政少傅相公送趙成都

時趙汝愚移除知成都

府佳句兩篇不勝慰幸已次高韻并餞其

行而再賦此章以見區區瞻仰之意繕錄

拜呈伏乞采覽

歸來寂寞卧漳濱夢想威容阻再親綠野遙聞
花欲語赤書尺赤與通還喜鴈來賓閒中有句人爭
誦妙處無心物自春行馬不因吾輩設曾奇猶
得話陳陳

送建陽陳丞伯厚還鄉

括蒼雲壑入秋夢括蒼山在台州閩嶺風霜侵鬢絲歲晚未收稽古力徑荒曾擬賦歸辭一官坎壈嗟丞負百歲歡榮慶毋慈去步逶迤無愠色此心惟有古人知

承事卓丈置酒白雲山居飲餞致政儲丈

名柯字叔通劉淮伯升字因出佳句諸公皆和熹

輒亦繼韻聊發坐中一笑

老去讀書秋樹根山林兒女定誰尊偶緣送客來僧寺却似披雲卧石門物外祗今成跌蕩人間何處不啾喧一杯且為陽關盡雙目從教別

淚昏

原註東坡賦徐德占舊居有一為兒女始覺山林尊之句

蒙恩許遂休致陳昭遠丈以詩見賀已和

答之復賦一首

闌干首霜久空槃未覺清羸帶眼寬老去光華

燕黨籍

慶元初籍偽學趙汝愚等五十九人先生名居第五

向來羞辱侍

臣冠極知此道無終否且喜閒身得暫安漢祚

中天那可料明年太歲又涖灘

原註建隆庚申

四十年矣嘗記年十歲時先君慨然顧語熹曰太祖受命至今百八十年矣歎息久之銘佩先訓於今甲子又復一周而衰病零落終無以少塞臣子之責因和此詩并記其語以示兒輩為之感涕三

叔通老友探梅得句不鄙垂示且有領客携壺之約次韻為謝聊發一笑

迎霜破雪是寒梅何事今年獨晚開應為花神無意管故煩我輩著詩催繁英未怕隨清角疎影誰憐蘸綠杯珍重南隣諸酒伴又尋江路覓香來

次晦叔吳寄弟韻

聞道君歸湘水東經行長在白雲中詩成天柱峯在衡山亦名雙柱峯頭月酒醒朱陵洞在衡山縣北裏風舊學難酬香一瓣流年誰管鬢雙蓬書來為指涪

訛處不涉言詮不落空

桐廬嚴州屬縣舟中見山寺

一山雲水擁禪居萬里江樓遠屋除行色忽忽吾正爾春風處處于何如江湖此去隨鷗鳥粥飯何時共木魚孤塔向人如有意他年來借一篷簾

熹次延之年兄韻敬題紹德菴真如軒寫

呈伯時季路二兄先生嘗跋汪伯時汪季路所藏書季路應辰子

先生可是愛吾廬來往鄰菴幾閨餘栢下竟開千歲室竹間猶插萬籤書悲涼共識臨風處遊

牙言 卷十
戲誰知落筆初寄語山靈勤守護莫將題柱比相如

題赤城觀

在台州赤城山

落日空山秋氣清泠泠古木亂蟬鳴僊人一去鶴不返劍客重來丹已成靜對竹爐烟縷直細看月窟挂華生此身舊有蓬瀛約玉簡歸來問姓名

五言排律

仁術

在昔賢君子存心每欲仁求端從有術及物豈

無因惻隱來何自虛明覺處真擴充從此念福澤遍斯民入井倉皇際牽牛蔽鯨辰向來看楚越今日備吾身

聞善決江河

大舜深山日靈襟保太和一言分善利萬里決江河可欲非由外惟聰不在佗勇如爭赴壑進豈待盈科學海功難竝防川患益多何人親祖述耳順肯同波

感事書懷十六韻

先生聞完類亮死作此詩

胡虜何年盛神州遂陸沈翠華棲浙右紫塞僅


佳角


卷二五言排律

十六一

淮陰志士憂虞切朝家預備深一朝頒細札三
 捷便聞音授鉞無遺筭沈機識聖心東西兵合
 勢南北怨重尋小却奇還勝窮凶禍所臨旃裘
 方舞雪血刃已披襟殘類隨煨燼遺黎脫斧砮
 戴商仍夙昔思漢劇謳吟共惜山河固同嗟歲
 月侵泉著久憔悴陵栢幸孺摻正爾資羣策何
 妨試盍簪折衝須舊衮時復建康府張浚出牧仗南
 金浚薦陳俊卿克江淮宣撫判建康府衆志非難徇天休詎
 可謀故人司獻納劉共父權直學士院早晚奉良箴

孝宗皇帝挽歌詞





雅誦卷之八

銘

講座銘

紹興

高宗年

二十三年新安朱熹仲晦來為吏於

同安而兼領其學事

紹興辛未生授泉州同安縣主簿癸酉十月始之

在越明年五月新作講座以臨諸生顧其所以

作之意不可以不銘銘曰

師道絕塞以圯其居今其言言亦莫我敢都前

聖後師文不在茲如或見之有儼其思立之堂

壇惟以有嚴厥臨孔昭式訛爾瞻

雅誦

卷八

銘

四齋銘

同安縣學舊有日新彙征
兩齋先生置四齋更其名

志道

曰趨而揖者孰履而持曰飢而寒者誰食而衣
故道也者不可須臾離子不志於道獨罔罔其
何之

據德

語道術則無往而不通談性命則疑獨而難窮
惟其厚於外而薄於內故無地以崇之

依仁

舉之莫能勝行之莫能至雖欲依之安得而依

之為仁由已而由人乎哉雖欲違之安得而違
之

游藝

禮云樂云御射數書俯仰自得心安體舒是之
謂游以游以居嗚呼游乎非有得於內孰能如
此其從容而有餘乎

鼓銘

擊之鏜兮朝既暘兮巧趨踰兮

至樂齋銘

葉學古讀書蕭寺取歐陽子詩語名其室曰至

樂紫陽朱熹仲晦父實為之銘

紫陽山在新安郡韋齋嘗讀書

此子

呻吟北窻氣鬱不舒我讀我書如病得甦客問此書中作何味君乃嗜之如此其至趣為子語無味乃然是有味者乃痛乃羶天下之樂我不敢知至歐陽子乃隸斯詩我思古人實感我心惟曰悄悄式鈞且深

南劍州尤溪縣學明倫堂銘

天叙有典匪學弗明我作此堂大猷是經匪忠曷勸匪孝曷程咨爾學子永觀厥成

又四齋銘

崇德

尊我德性希聖學兮玩心神明蛻汚濁兮

廣業

樂節禮樂道中庸兮克勤小物奏膚公兮

居仁

勝已之私復天理兮宅此廣居純不已兮

由義

羞惡爾汝勉擴克兮遵彼大路行無窮兮

學古齋銘

牙言
浦城建寧府屬縣周侯嗣恭葺其先大父徽猷公恭
字作肅其祖因官所少卿作學古齋以教齋宗族子弟新安朱熹為題其榜周侯又來請銘則推其意乃作銘曰

相古先民學以為已今也不然為人而已為已之學先誠其身君臣之義父子之仁聚辨居行無怠無忽至足之餘澤及萬物為人之學燁然春華誦數是力纂組是誇結駟懷金煌煌燁燁世俗之榮君子之鄙維是二者其端則微眇繇弗察胡越其歸卓哉周侯克承先志日新此齋

以迪來裔此齋何有有圖有書厥裔斯何衣冠進趨夜思晝行咨詢謀度絕今不為惟古是學先難後獲匪亟匪徐我其銘之以警厥初

尊德性齋銘

內弟程允夫名以道問學名齋予謂當以尊德性易之允夫請銘因為作此
維皇上帝降此下民何以予之曰義與仁維義與仁維帝之則欽斯承斯猶懼弗克孰昏且狂苟賤汙卑淫視傾聽情其四肢褻天之明慢人之紀甘此下流衆惡之委我其監此祗栗厥心

牙言 卷八
有幽其室有赫其臨執玉奉盈須臾顛沛任重
道遠其敢或怠

敬恕齋銘

莆陽

即莆田興化軍屬縣

陳師中

名守俊

讀書之室新安

朱熹題以敬恕且為之銘

出門如賓承事如祭以是存之敢有失墜已所不欲勿施于人以是行之與物皆春胡世之人恣已窮物惟我所便謂彼奚卹孰能反是歟焉厥躬于牆于羹仲尼子弓內順于家外同于邦無小無大罔時怨恫為仁之功曰此其極敬哉

恕哉永永無斁

求放心齋銘

鄱陽

饒州屬縣

程正思

名端蒙

作求放心齋汪子卿

名庭

姑

祝汝玉

名禹珪嘗守休寧建

新安道

先生有記

既為之銘新安

朱熹撥其遺意復為作此

天地變化其心孔仁成之在我則主于身其主伊何神明不測哉揮萬變立此人極晷刻放之千里其奔非誠曷有非敬曷存孰放孰求孰亡孰有詘伸在臂反覆惟手防微謹獨茲守之常切問近思曰惟以相之

書字銘

明道先生曰其書字時甚敬非是要字好只此是學

握管濡毫伸紙行墨一在其中點點畫畫放意則荒取妍則惑必有事焉神明厥德

劉屏山復齋蒙齋二琴銘

屏山先生之琴二其嗣子珥葆藏之門人朱熹敬為作銘

匪金匪石含玉真兮雷伏于腹閱其神兮砰然一作萬物皆春兮我觀器寶懷若人兮主靜觀

復修厥身兮與時偕誦而不及其伸兮復齋

抑之幽然者若直其遇險而止寫之冷然者若導其出山之泉蓋先生之言不可得而聞矣若其亨貞之意則託茲器而猶傳蒙齋

黃子厚琴銘

黃子琴號純古晦翁銘之

無名之樸子所琴兮扣之而鳴獲我心兮杳而弗默麗弗淫兮維我知子山高而水深兮

紫陽琴銘

養君中和之正性禁爾忿欲之邪心乾坤無言

物有則我獨與子鈎其際

尺銘

有盡其經有棘斯緯字體變化忽與神會倂句如矩其繩則直我端我躬允相茲尺

又

魯曾氏作斯器正文字界來系

憲銘

言思必動思蹟過思棄端爾躬正爾容一爾衷

寫照銘

乾道

孝宗年論

九年歲在癸巳予年四十有四而容

髮凋悴遽已如此然亦將修身以畢此生而已

無他念也福唐

唐縣名宋改福清縣屬福州

元為予寫

照因銘其上以自戒云

端爾躬肅爾容檢於外一其中力於始遂其終操有要保無窮

題魏府藏趙公飲器

趙丞相鼎飲器為張魏公家所藏

趙公飲器魏府藏我思兩公愛甘棠惟魏子孫

寶無斃敬奉其盈如弗克平陵朱熹拜手書

朱氏

本出於邾邾後改曰鄒唐時以其地置鄒平縣領于平陵故先生以平陵為姓系所出之鄉

魏國公府犀爵銘

原註丞相趙公所佩公者

天水公趙氏本出天水郡屹堂堂舉兕爵孰敢當惟魏公一心膺受箴之永終古後之人奉其盈如不克視燾銘

懷玉硯銘懷玉山在信州玉山縣

我輯墜簡大法以存孰摯其實使與斯文點涿之餘往壽逋客墨爾豪端毋俾玄白原註慶元丁巳三月

庚子

懷玉南谿近出此石徐斯遠名文卿以予方討

禮篇持以為贈會分半橐以屬呂子約於高

安呂子約名祖倫東萊之弟時謫筠州高安郡因掇寄之慶元強

園大荒落日南至晦翁記

藏書閣書厨字號銘

於穆元聖繼天測靈出此謨訓惠我光明永言寶之匪金厥籒含英咀實百世其承

箴

敬齋箴

讀張敬夫圭一箴掇其遺意作敬齋箴書齋壁以自警云

正其衣冠尊其瞻視潛心以居對越上帝足容必重手容必恭擇地而蹈折旋蟻封出門如賓

承事如祭戰戰兢兢罔敢或易守口如瓶防意
 如城洞洞屬屬罔敢或輕不東以西不南以北
 當事而存靡他其適弗貳以二弗參以三惟精
 惟一萬變是監從事於斯是曰持敬動靜無違
 表裏交正須臾有間私欲萬端不火而熱不冰
 而寒毫釐有差天壤易處三綱既淪九瀆亦斲
 於乎小子念哉敬哉墨卿司戒敢告靈臺

調息箴

鼻端有白我其觀之隨時隨處容與猗移靜極
 而嘘如春沼魚動極而喻如百蟲蟄氣氲開闔

其妙無窮孰其尸之不宰之功雲卧天行非予
 敢議守一慶和千二百歲

贊

易五贊

原象

太一肇判陰降陽升陽一以施陰兩而承惟皇
 昊義仰觀俯察奇耦既陳兩儀斯設既幹乃支
 一各生兩陰陽交錯以立四象奇加以奇曰陽
 之陽奇而加耦陽陰以章耦而加奇陰內陽外
 耦復加耦陰與陰會兩一既分一復生兩三才

牙言 卷八
在目八卦指掌奇奇而奇初一日乾奇奇而耦
兌次二焉奇耦而奇次三日離奇耦而耦四震
以隨耦奇而奇巽居次五耦奇而耦坎六斯睹
耦耦而奇艮居次七耦耦而耦八坤以畢初畫
為儀中畫為象上畫卦成人文斯朗因而重之
一貞八悔六十四卦由內達外交易為體往此
來彼變易為用時靜而動降帝而王傳夏歷商
有占無文民用弗彰文王繫彖周公繫爻視此
八卦二純六交乃乾斯父乃坤斯母震坎艮男
巽離兌女離南坎北震東兌西乾坤艮巽位以

四維建官立師命曰周易孔聖傳之是為十翼
遭秦弗燼及宋而明邵傳羲畫程演周經象陳
數列言盡理得彌億萬年永著常式

述旨

昔在上古世質民淳是非莫別利害不分風氣
既開乃生聖人聰明睿智出類超羣仰觀俯察
始畫奇耦教之卜筮以斷可否作為君師開鑿
戶牖民用不迷以有常守降及中古世變風移
淳澆質喪民偽日滋穆穆文王身蒙大難安土
樂天惟世之患乃本卦義繫此彖辭爻及周公

六爻是資因事設教丁寧詳密必中必正乃亨
乃吉語子惟孝語臣則忠鈞深闡微如日之中
暨乎末流滯于術數儂句成欺黃裳亦誤大哉
孔子晚好是書韋編既絕八索以祛乃作彖象
十翼之篇專用義理發揮經言居省象辭動察
變占存亡進退陟降飛潛曰毫曰釐匪差匪謬
加我數年庶無大咎恭惟三古四聖一心垂象
炳明千載是臨惟是學者不本其初文辭象數
或肆或拘嗟予小子既微且陋鑽仰沒身奚測
奚究匪警滋荒匪識滋漏維用存疑敢曰垂後

明筮

倚數之元參天兩地衍而極之五十乃備是曰
大衍虛一無為其為用者四十九著信手平分
置右於几取右一著掛左小指乃以右手揲左
之策四四之餘歸之于初扚左手無名指間
右策左揲將指是安再扚之奇通掛之筭不五
則九是謂一變置此掛扚再用存策分掛揲歸
復準前式三亦如之奇皆四八三變既備數斯
可察數之可察其辨伊何四五為少八九為多
三少為九是曰老陽三多為六老陰是當一少

兩多少陽之七孰八少陰少兩多一既得初爻
 復合前著四十有九如前之為三變一爻通十
 八變六爻發揮卦體可見老極而變少守其常
 六爻皆守彖辭是當變視其爻兩兼首尾變爻
 三爻占兩卦體或四或五視彼所存四二五一
 二分一專皆變而新成舊毀消息盈虛捨此
 視彼乾占用九坤占用六泰愕匪人妬喜來復

稽類

八卦之象說卦詳焉考之於經其用弗專彖以
 情言象以象告惟是之求斯得其要乾健天行

坤順地從震動為雷巽入木風坎險水泉亦雲
 亦兩離麗文明電日而火艮止為山兌說為澤
 以是舉之其要斯得凡卦六虛奇耦殊位奇陽
 耦陰各以其類得位為正二五為中二臣五君
 初始上終貞悔體分爻以位應陰陽相求乃得
 其正凡陽斯淑君子居之凡陰斯慝小人是為
 常可類求變非例測非常曷變謹此為則

警學

讀易之法先正其心肅容端席有翼其臨于卦
 于爻如筮斯得假彼象辭為我儀則字從其訓

句逆其情事因其理意適其平曰否曰臧如目
斯見曰止曰行如足斯踐毋寬以略毋密以窮
毋固而可毋必而通平易從容自表而裏及其
貫之萬事一理理定既實事來尚虛用應始有
體該本無稽實待虛存體應用執古御今由靜
制動潔靜精微是之謂易體之在我動有常吉
在昔程氏繼周紹孔奧旨宏綱星陳極拱惟斯
未啓以俟後人小子狂簡敢述而申之

復卦贊

萬物職職其生不窮孰其尸之造化為工陰闔

陽開一靜一動於穆無疆全體妙用奚獨於斯
潛陽壯陰而曰昭哉此天地心蓋翕無餘斯闢
之始生意翦然具此全美共在于人曰性之仁
斂藏方寸包括無垠有莖其萌有惻其隱于以
充之四海其準曰惟茲今沙縣之間是用齋戒
掩身閉關仰止羲圖稽經協傳敢贊一辭以詒
無倦

六先生畫象贊

濂溪先生

道喪千載聖遠言湮不言先覺孰開我人書不

盡言圖不盡意風月無邊庭草交翠

明道先生

揚休山立玉色金聲元氣之會渾然天成瑞日
祥雲和風甘雨龍德正中厥施斯普

伊川先生

規圓矩方繩直準平久矣君子展也大成布帛
之文菽粟之味知德者希孰識其貴

康節先生

天挺人豪英邁蓋世駕風鞭霆歷覽無際手探
月窟足躡天根閒中今古醉裏乾坤

橫渠先生

早悅孫吳晚逃佛老勇撤臯比一變至道精思
力踐妙契疾書訂頑之訓示我廣居

涑水先生

篤學力行清脩苦節有德有言有功有烈深衣
大帶張拱徐趨遺象凜然可肅薄夫

張敬夫畫象贊

亡友荊州牧張侯敬夫畫象新安朱熹為之贊

擴仁義之端至於可以彌六合謹善利之判至

於可以析秋毫拳拳乎其致主之功汲汲乎其
幹父之勞仡仡乎其任道之勇卓卓乎其立心
之高知之者識其春風沂水之樂不知者以為
湖海一世之豪彼其揚休山立之姿既與其不
可傳者死矣觀於此者尚有以卜其見伊呂而
失蕭曹也耶

呂伯恭畫象贊

括蒼潘君叔度名景憲先畫其先師東萊呂氏
伯恭父之象于可菴退老堂之上曰使西河之
民毋疑我於夫子也屬其友朱熹贊之為作詞

曰

以一身而備四氣之和以一心而涵千古之秘
推其有足以尊主而庇民出其餘足以範俗而
垂世然而狀貌不踰於中人衣冠不詭於流俗
迎之而不見其來隨之而莫睹其躅矧是丹青
孰形心曲惟嘗見之者於此而復見之焉則不
但遺編之可續而已也

陳明仲

名以火

畫象贊

故侯官

行州屬縣

大夫陳君明仲之象友人朱熹仲

晦父贊之曰

介然而不使人忌者其自持之謹温然而不使人狎者其沉愛之和其仕也自詭以循良之最其學也自翊以德行之科嗚呼孰謂其賣此志而中道以沒使吾老於其里而不得為東阡北陌之經過也耶

程正思畫象贊

程君正思畫象朱仲晦父作贊

嗚呼正思退然如不勝表而自勝有以舉烏獲之任言若不出諸口而衛道有以摧鬚衍之鋒俛焉日有孳孳者吾方未見其止乃一朝而至

此則天曷為而不假之壽以成其終嗚呼此猶未足以見其七分之貌來者亦姑以是而想象其遺風紹熙光宗年號壬子重陽前二日書

書畫象自警

從容乎禮法之場沈潛乎仁義之府是予蓋將有意焉而力莫能與也佩先師之格言奉前烈之餘矩惟闇然而日修或庶幾乎斯語

聚星亭

在建陽縣陳升之所建先生重修

畫屏贊

按世說陳太丘詣荀朗陵貧儉無僕役乃使元方將車季方持杖從後長文尚小載著車中

原註

後漢書曰陳寔字仲弓潁川許人嘗為閭喜令
 遷太丘長修德清靜百姓以安後以黨人連及
 乃請囚焉遇赦得免官者張讓權傾天下父死
 歸葬潁川名士無所全宥寔在鄉間平心復物
 黨人讓以寔故多所全宥寔在鄉間平心復物
 或有爭訟輒求判正曉譬曲直無怨者黨禁
 解累徵不起年八十四卒謚曰文範先生又曰
 荀淑字季和潁川人少有高行博學而
 不好章句州里稱其知人李膺高行博學而
 舉賢良方正對策議刺貴韓梁冀忌之出補朗
 陵侯相往事明理稱為神君棄官而歸居養
 志又曰陳紀字元方寔長子也至德絕俗與寔
 高名益著而弟謚字方又配之每宰府辟台
 蓋馬成羣世號三君百城皆圖
 既至荀使叔慈
 應門慈明行酒餘六龍下食文暑亦小坐著鄰
 前原註荀淑有八子倫繼靖熹汪爽肅敷居西
 前原註荀淑有八子倫繼靖熹汪爽肅敷居西

署其里為高陽里時入籍曰先生爽字慈明年十
 至行不仕早卒跡曰玄行先生爽字慈明年十
 無雙舉春秋論語穎川為之語曰荀氏八龍慈明
 官去後坐黨錮隱遁十餘年董卓用事徵拜司
 空爽以卓忍暴終危杜稷多舉才略之士與王
 允等密謀討之未及而以病終後允乃竟誅卓
 緄子或字文若少時父以畏禍為娶宦者唐衡
 女後從曹操操以少時父以畏禍為娶宦者唐衡
 將受九錫或諫止之遂為所害或亦作郁于時
 太史奏真人東行諸子姪造荀父子于時德星
 累太史奏真人東行諸子姪造荀父子于時德星
 百里賢人聚考亭陳氏故有離榭名以聚星蓋
 取續陽秋語中更廢壞近始作新適邇敞廬因
 得相其役事既又為之本原事迹畫著屏上并
 為之贊以視來者云

猗歟陳子神嶽鍾英文淵範懿道廣心平危孫
汧隆卷舒自我是曰庶幾無不可獻身安衆
卑豎全邦炯然方寸秋月寒江願言懷人曰我
同志故朗陵君荀季和氏連峯對起麗澤潛滋
儂而不見有黯其思薄言造之顧無僕役獨呼
一兒駕予以出青芻黃犢布憶柴車策紀前衛
杖謀後趨所造伊何高陽之里維時荀君聞至
而喜顧謂汝靖往應于門七龍矯矯布席開尊
靖肅而前翁拜其辱何悟斯晨得見清穆命爽
行觴旅饋次陳獻酬交錯禮度情親載笑載言

罔非德義益邁乃猷以輔斯世髦髦兩稚亦寘
鄰前原深本固莫出匪賢維此慈明特謝儔匹
晚際國屯敢憚濡迹贅菴之命恃以少迓那朋
之最孰與為先郁乃附曹羣亦忘漢嗣守之難
古今共歎崇臺回極于以占天猶曰茲野德星
萃焉我寓有亭舊蒙斯號今刺前聞象儀以告
高山景行好德所同課忠責孝獨慤余衷百爾
窺臨鏡考毋怠死國承家永奉明戒

題辭

小學題辭

元亨利貞天道之常仁義禮智人性之綱凡此
厥初無有不善藹然四端隨感而見愛親敬兄
忠君弟長是曰秉彝有順無強惟聖性者浩浩
其天不加毫末萬善足焉衆人蚩蚩物欲交蔽
乃頹其綱安此暴棄惟聖斯惻建學立師以培
其根以達其支小學之方灑掃應對入孝出弟
動罔或悖行有餘力誦詩讀書詠歌舞蹈思罔
或逾窮理修身斯學之大明命赫然罔有內外
德崇業廣乃復其初昔非不足今豈有餘世遠
人亡經殘教弛蒙養弗端長益浮靡鄉無善俗

世乏良材利欲紛拏異言喧沓幸茲秉彝極天
罔墜爰輯舊聞庶覺來裔嗟嗟小子敬受此書
匪我言耄惟聖之謨

文

謁修道州三先生祠文

時先生以知潭州
兼湖南安撫使重

祠是

維紹熙五年歲次甲寅八月日謹遣學生迪功
郎道州寧遠縣尉馮允中致祭于濂溪先生周
公明道先生程公伊川先生程公於皇道體沕
穆無窮義農既遠孔孟為宗秦漢以還名崇實

否文字所傳糟粕而已大賢起之千載一逢兩
程之緒自我周翁清滿之原有嚴貌象欲覲無
因徒有悵望吏以毀告閔然于衷出金少府往
佐其功爰俾諸生敬陳一酌先生臨之有赫無
味

勸學文

勿謂今日不學而有來日勿謂今年不學而有
來年日月逝矣歲不我延嗚呼老矣是誰之愆

雅誦卷之八

